

ACTA DA XUNTA DE GOBERNO LOCAL
Sesión extraordinaria e urxente do 8 de abril de 2011

ASISTENTES:
Membros :

D. Abel Caballero Álvarez
D^a Isaura Abelairas Rodríguez
D. Santiago Domínguez Olveira
D. Carlos López Font
D^a M^a Xosé Méndez Piñeiro
D. Santos Héctor Rodríguez Díaz
D. José Manuel Mariño Mendoza

NON ASISTEN:

D. Francisco Xabier Alonso Pérez
D. Xulio Calviño Rodríguez
D. Eudósio Álvarez Álvarez

Invitados:

D^a Raquel Díaz Vázquez
D. Xesús López Carreira

D^a María Jesús Lago Rey
D^a Laura López Atrio
D. Angel Rivas González
D^a Iolanda Veloso Ríos

Na Casa do Concello de Vigo, ás 14,47 horas do día oito de abril de dous mil once e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, o titular do órgano de apoio á Xunta de Goberno Local, Sr. Lorenzo Penela, o interventor xeral, Sr. González Carnero, o titular da Asesoría Xurídica, non asistiu.

A Xunta de Goberno Local adopta os seguintes acordos:

1(447).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(448).- PROPOSTA DE ADHESIÓN DO CONCELLO DE VIGO AO PACTO ENTRE ALCALDES “POR UNHA ENERXÍA SOSTIBLE LOCAL”.EXPTE. 7677/104.

Examinadas as actuacións do expediente, de conformidade co informe-proposta da Alcaldía, de data 6-04-2011, que a continuación se transcribe:

PROPOSTA DA ALCALDÍA: ADHESIÓN AO PACTO DOS ALCALDES POR UNHA ENERXÍA SOSTIBLE LOCAL

O Concello de Vigo atópase integrado na Rede Española de Cidades polo Clima, na sección da Federación Española de Municipios e Provincias (FEMP) que aglutina a cidades e pobos comprometidos co desenvolvemento sostible e a protección do clima, Rede presidida por este Alcalde. No papel da Rede como foro de intercambio de coñecementos e experiencias, así como instrumento de apoio técnico para os Gobernos Locais españois, ofrecéndolles ferramentas que lles permitan alcanzar un modelo de desenvolvemento sostible, este Alcalde no seu cargo tamén de Presidente de la Rede Española de Cidades polo Clima da FEMP, anunciou recentemente que, durante este ano, a Rede impulsará medidas de promoción do coche eléctrico, apoiará o establecemento dun Premio Nacional do Clima e favorecerá diversas iniciativas relacionadas co aproveitamento da biomasa e os sistemas de climatización centralizada.

Nesa liña o Concello de Vigo debe dar un paso máis coa súa incorporación aos plans de actuacións deseñada pola Unión Europea, que lidera a loita global contra el cambio climático, concedéndolle a máis alta das prioridades, e dese xeito obriga ós seus estados membros a reducir as súas emisións de CO₂ nun 20% como mínimo para 2020. A efectos do cumprimento de ditos obxectivos tense recoñecido o protagonismo das entidades locais para contribuír a ditos obxectivos, contribución que se instrumenta a través do denominado Pacto entre Alcaldes asumindo un compromiso formal para avanzar máis alá de este obxectivo mediante la implementación do seu Plan de Acción Enerxético Sostible. Así o **Pacto entre Alcaldes** é un compromiso das cidades asinantes para ir máis alá dos obxectivos da política enerxética de la UE en cuanto a la reducción de emisións de CO₂ mediante unha maior eficiencia enerxética e a produción e emprego de enerxía máis limpa.

As autoridades locais teñen un papel decisivo na mitigación do cambio climático. Máis da metade das emisións de gases de efecto invernadoiro son xeradas en e polas cidades. O 80% de a poboación vive e traballa nas cidades, onde se consume ata un 80% da enerxía. As autoridades locais, ao ser a administración máis próxima aos cidadáns, se atopan nunha situación idónea para comprender as súas inquietudes. Ademais, poden afrontar os retos de forma global, facilitando a conciliación entre os intereses públicos e privados e a integración da enerxía sostible en obxectivos de desenvolvemento local globais, ben sexa co desenvolvemento de enerxía alternativa, un uso máis eficiente da enerxía ou cambios no comportamento.

Os gobernos locais deben converterse polo tanto en actores principais que poñan en práctica políticas enerxéticas sostibles e deben ser recoñecidos e apoiados nos seus esforzos. O Pacto entre Alcaldes constitúe unha ambiciosa iniciativa da Comisión Europea que pon en cabeza as cidades pioneiras de Europa na mitigación do cambio climático mediante a implementación de políticas intelixentes a nivel local sobre enerxías sostibles que crean traballos estables e melloran a calidade de vida dos cidadáns á vez que fan fronte a cuestións sociais de máxima importancia.

Polo exposto, este Alcalde, formula a seguinte

PROPOSTA DE ACORDO

Primeiro.- Aprobar a adhesión do Concello de Vigo ao Pacto entre Alcaldes "Por unha enerxía sostible local", co pleno coñecemento de todos os compromisos e, en particular, dos seguintes:

Ir máis alá dos obxectivos establecidos pola UE para 2020 e reducir as emisións de CO₂ no noso respectivo territorio en, polo menos, un 20%.

Presentar un plan de acción para a enerxía sostible, incluída a elaboración dun inventario de referencia das emisións no que se resume como se cumprirán os obxectivos, no prazo de un ano dende o presente acordo.

Presentar un informe de execución aló menos cada dous anos a partir da presentación do plan de acción con fins de avaliación, seguimento e control.

Organizar "Días da Enerxía" en cooperación coa Comisión Europea e con outras partes interesadas, para que a cidadanía poida beneficiarse directamente das oportunidades e vantaxes que brinda un uso enerxético máis intelixente, así como informar periodicamente aos medios de comunicación locais sobre o desenvolvemento do plan de acción.

Asistir e contribuír á conferencia anual de alcaldes da UE.

Segundo.- Informar do presente acordo á Comisión Europea e á Rede Española de Cidades polo Clima.

Terceiro.- Dar traslado do presente acordo ao Pleno da Corporación instando a súa ratificación.

Acordo:

La Xunta de Goberno Local, acorda prestar a súa conformidade á proposta que antecede.

3(449).- DECLARACIÓN DE SITUACIÓN DE EXCEDENCIA VOLUNTARIA POR PRESTAR SERVICIOS NO SECTOR PÚBLICO DE DON MOISÉS CALVAR RÍOS. EXPTE.21925/220.

Examinadas as actuacións do expediente, de conformidade co informe-proposta do técnico de Organización, de data 7.04.2011, conformada pola xefa do servizo de Recursos Humanos, a Xunta de Goberno Local acorda:

“Único.- Declarar en situación de excedencia voluntaria por prestar servizos no sector público, ao empregado público D. Moisés Calvar Ríos, con categoría de policía deste concello, de conformidade co disposto no art. 15 do RD. 365/15, do 10 de marzo, polo que se aproba o regulamento de situacións administrativas dos funcionarios civís da Administración Xeral do Estado, con efectos de 10 de abril de 2011.

E sen ter máis asuntos que tratar, o Sr. presidente rematou a sesión ás 14,50 h. Como secretaria dou fe.

am.

A CONCELLEIRA-SECRETARIA
DA XUNTA DE GOBERNO LOCAL,

Isaura Abelairas Rodríguez.